POLITIQ VE,

SVR LES OCCVRRENCES

ET MOVVEMENTS

de ce temps.

M. DC. XXI.

Hec 83-10/(269),

देशके देशके देशके देशके देशके देशके DISCOVRS POLITIOVE.

sur les occurrences & mouuements de ce temps.

Ova n'estre dans les affaires, iene laisse pas de les sentir, & ne me tiens pas quitte du serment que l'ay au Roy, criminel au contraire si ie ne

m'en explique, quand ie les voy nommément en danger de nous rouler dans le precipice, Muet donc que i'ay esté iusques icy, voyant ma partie en ce peril, le poignard approchant de sa gorge, ma langue comme de cet enfant, force tous les liens, ie m'eschappe à moy-mesme & ne puis que ie ne m'en escrie,

Toutes guerres sont à redouter, mais plus les ciuiles que les estrangeres, entre les ciuiles celles qui se font du faict de Religion, comme les fiéures plus ou moins dangereuses selon les partis où elles ont leur siège, si toutessois elles s'attachent aux esprits, obstinces & dissiciles à esteindre, fort proches d'incurables.

C'est pourquoy les plus sages Princes nous ont laissé pour maxime, Religionem imperare non possumus, il n'est point de nostre pouvoir de commander la Religion, vne creance diuine ne ploye point sous les loix humaines, aussi peu sous les rigueurs & sous les peines, pour le peu de proportion & de relation qu'il y a entre les

deux. Le razoir certes peut entamer la teste, mais iusques à l'esprit, iusques à ceste partie de l'esprit, de laquelle est le siege de la Religion,

pour affilé qu'il soit il ne penetre point.

Bien est il vray que sur la naissance des differens en la Religion en nos jours, quelques grands Princes estimerent les pouvoir estouffer par la rigueur de leurs loix, mesme par la force de leurs armes. Et ainsi en maladies inconues tente-on à l'aduenture tous remedes. Mais comme ils eurent esprouué que le feu & le fer n'y auançoyent rien, ils changerent bien tost de batterie, de corrolifs passerent aux lenitifs, de batailles en Conterences, en Intermis, en paix de Religion, quelques succés qu'en apparence ils eussent veus de leurs premiers efforts: & se resolurent vne bonne sois de tolerer ce qu'ils ne pouvoient tollir sans vne totale ruine.

Telmoins en soient ces grands Empereurs Charles V. Ferdinand I. Maximilian II. lefquels non seulement en l'Empire, mais mesmes de tous leurs Estats patrimoniaux laissoient la Religion libre, & se servoient indisserem-ment de leurs subiets & de toutes qualitez, & bien heureuse l'Allemagne tandis que leurs successeurs se sont contenus dans ces limites.

Pour nos Roys que n'ont-ils fait à ces commencemens, pour preuenir la disserence en la Religion, y a-il supplice qui n'y ait esté employé, qui n'ait rebouché à l'encontre, tant que l'an 1561. en pleine paix, en celebres Estats sous le Roy Charles IX. par vn Edict selemnel.

meurement deliberé, concerté en vne Assemblee des plus notables du Royaume à Paris, la liberté de la Religion fut accordee, & si on en fut demeuré là, les bigareures dont nous nous plaignons en cét Estat, places de seureté, con-flicts de iurisdictions ne sussent pas. Quelques-vns pour faire les zelez violenterent cette liberté, la partie estoit dessa si forte qu'il en falut venir aux armes, dont peu de temps apres on se repentir, & sur rendue la liberté à ceux de la Religion contraire. Mais quelques annees après l'Espagne par l'entreueuë de Bayonne nous encouragea de rompre cet Edict, nous prestant mesme son espee pour nous en donner dans le corps, s'en ensuiuit vne bataille deuant Paris où Anne de Montmorency Connestable de France sut blessé dont il mourut. Ses det+ niers mots à la Royne Catherine de Medicis le visitant au lict de la mort, sont dignes de demeurer engrauez és cœurs de tous les bons François. Faictes la paix, Madame, faictes la paix, les plus courtes solies sont les meilleures. Notez entre les douleurs de sa playe, les angoisses de la mort, qui naturellement l'eussent peu porterà la vengeance.

Mais ce sage & grand Cheualier estoit au dessus de tout cela, auoit recogneu que la ma-ladie auoir passé trop auant, sçauoir considerer qu'il y en a de si enracinee, enfiltrees & incorporee és plus nobles parties soit de l'homme, soit de l'Estat, qu'elles font partie en quelque saçon & de sa santé & de sa vie, ne pounant

icelles estre arrachees qu'auec la destruction & extinction du total.

Ielaisse les tentatiues que nous auons fait du depuis, car qui les pourroit ou dire ou lire, sans horreur, & qui ne se doit souvenir quantessois & en quantes façons, cet Estat en a esté sur le bord du naufrage, & cependant que nous en est il reuenu. Certes nous deurions pieça estre resolus sur cette question, & en faire leçon aux autres, tenir pour axiome invariable en ce Royaume de ne remuet plus le faict de Religion, declarer criminel de leze Majesté du premier chef, qui esgratigneroit tant soit peu les Edicts de nos Roys sur ce suiet, comme attentant à la personne, Couronne & Estat de nostre Prince. Mais si nous sommes aueuglez insques là de la remettre encores sus, Dieu vueille inspirer le Roy pour bien choisir ceux qu'il aura à consulter, gens recommandez de sagesse & d'experience, gens attachez d'afféction & d'obligation à sa prosperité, qui-en somme ne soient interessez qu'au bien de son feruice.

l'honore Messieurs du Clergé comme ie dois, & recognoy entr'eux plusieurs grands personnages doüez de parties & qualitez requises pour conseiller vn grand Roy, mais ils me pardonneront sie leur dy, que d'eux mesmes par conscience, non que par bien seance, ils se doiuent soustraire de ceste deliberation, par ce que leur serment principal est au Pape partie sormelle en ceste cause; par ce que leurs

voix sont dessa preiugees & engagees à ses de-sirs, à ses commandemens pour ne pouuoir opiner au contraire, par ce que ceux qui entrent en vn Conseil, y doiuent venir en intention d'apprendre les vns des autres, que ceuxcy ia resolus ne peuuent, par ce qu'icy est question de peser les inconveniens d'vne guerre ciuille, pertes de biens, maisons, vies, enfans, familles, toutes de peu de poids & de consideration à qui vit sur l'autruy, n'a rien de propre, n'est obligé au soin de l'aduenir; par ce qu'en vne Republique bien instituee ne furentiamais appellez en Conseil de guerre ceux qui n'y vont point, prodigues du peril d'autruy, quand ils n'y ont point de part; par ce qu'ils sont profession de ne se messer d'aucun affaire, où il aille du sang, & à quoy tend la guerre sur tout la ciuile, qu'à le respendre; parce en sin qu'il y va de la manutention de ceste Couronne en son entier, & ceux de cet ordre n'ont point faict scru-pule en pleins Estats de la rendre subalterne en certains cas, la personne mesme de nos Roys au Tribunal de Rome. Conclus partant sous leur respect qu'il y a lieu en cet endroict, si iamais en aucun autre de dire, icy, Fuora Preti, ce que ces sages Venitiens, ne pratiquent pas seulement contre ceux qui sont in sacris, mais tous autres qui leur sont obligez de sang ou d'interest, autrement y auroit lieu de pretexte de nullité contre toute l'action, de saquelle ils auroient faict partie.

Les lesuites ne seront peut-estre pas si ef-

frontés que de s'y ingerer, carils sont leurs affaires plus sinement, parlent en l'aureille, là ou on ne leur peut contredire: Mais tant plus à nostre Roy à s'en garder. Car és Conseils vne raison combat l'autre, & icy ils plaident sans partie; les plus anciens Conseillers opinent en leur rang, bien souvent apprennent des ieunes, & icy ils decident tous seuls, qui pis est sont cas de conscience de tout. Et plus ils treuvent vne ame tendre, craintiue & pieuse, plus entreprename tendre, craintiue & pieuse, plus entrepren-nent ils d'y imprimer leurs opinions, disons plustost leurs desseins concertez ailleurs & d'aillieurs, sous ombre de Religion contre le bien de cet Estat. Car qui pourra croire autre-ment, puis que par leur institution leur General ne peut estre qu'Espagnol, leur General auquel ils iurent une obeyssance aueugle, & cepandant ils sons auiourd'huy tenus pour la quint'essence du Clergé, au lieu que nostre Sorbonne, qu'ils ont indignement supplantee, composee de bons François, en estoit enciennement l'ora-cle. cle.

Qui consultera donc nostre Roy en vne matiere si importante? Certes les vieux Ossiciers de la Couronne, les vieux Capitaines de ce Royaume, gens signalez en batailles & en sieges, qui ont par maniere de dire vescu durant & apres le Deluge, eu loisir de comparer les maux de la guerre, auec les biens de la paix. Et luy diront, que iamais guerres ne furent demenees auec plus de vigueur, plus de rigueur que celles de la Religion entre-nous, trois victoires

victoires telles fois obtenues en vne annee, trente mil hommes de qualité en diuerses villes tuez presque en vn iour, tous leurs chess esgorgez en vn matin, & de dessous ce carnage neantmoins à peu de temps de là, ils les auroient veu reuiure, reprendre leurs esprits, rerourner au combat, nous reduire à traiter de plus belle.

Vn pretendu zelateur nous entre-coupera icy, que ce fut manque de deux poissettes de sang, car c'est leur stile, faute, veulent-ils dire, d'auoir compris en la S. Barthelemy le Roy de Nauarre & le Prince de Condé. Mais malheureux que deuenoit donc la race Royale de Bourbon restauratrice de cet Estat, & où seroitnostre Roy, ou ce Royaume, ou peut estre toy-mesme? Representeront d'abondant à sa Majesté, que souvent vne bataille gagnee seroit perduë en vn siege, vne place auroit cousté vn million à prendre, qui à quinze iours de là auroit esté surprise pour cent sols d'eschelles: que pendant qu'on en forçoit vne en quelque Prouinceauec grand perte d'hommes, toute vne saison se consumoit, és autres Prouinces on en surprenoit trois ou quatre. Et de là toutes ces villes de seureté qui leur sont demeurces en garde, tant le desespoir des attaquez a d'avantage contre l'indifférence de ceux qui les affaillent; Qu'vne bicoque en sin de Liuron en Dauphiné auroit arresté & ruiné vne armee toute fraische du Roy Henry III. retournant de Pologne, quantesfois repentant de n'auoir creu ce lage Empereur Maximilian H. Les Venitiens & les

Ducs de Ferrare & de Sauoye, chez qui il auoit passé, qui luy conseilloient d'entrer en housse, & non la lance sur la cuisse en son Royaume.

Quelque ieune Capitaine voudra icy flarter nostre Roy, & luy dira, mais en l'aureille, car tout haut, comme l'oseroit-il? que c'est vn Conscil de vieux Gaulois, qui ne sçauent que le vieux ieu, que ce qui est le plus petit en luy, est plus gros que les reins de ses peres; Mais ils ne trouueront pas vn Roboan en nostre Roy, qui n'ignore point ce que les ans apprennent; sous ombre de quelque petit tour sait en Hollande, peut-estre mesme durant la tresue, d'où ils rapportent quelque mot nouueau, nos ieunes gens pensent deuenir Capitaines, auoir desrobé toute la science, toute l'experience du pays; Mais il y a bien de la saçon à faire vn Prince Maurice.

Consultera nostre Roy les vieux Conseillers d'Estat, qui ont blanchi dans les affaires sous les seux Rois, tesmoins non moins de leurs repentirs que de leurs desseins, qui luy diront quantesfois ils ont cerché en intention de ruiner ceste Religion, tantost la guerre dans la paix, tantost la paix dans la guerre, alternatiuement las & recreus de l'vn & de l'autre; à quantes reprises sous diuerses esperances ils sont retournez aux armes pour diuers desgousts, rebutez mesmes de leur succez, sont reuenus aux traictez, tant que deformais nous ne pouuons plus cotter ny le quantiesme de nos Edicts; qu'à peine ont ils iamais veu la

guerre allumee six mois, qu'on n'en maudist l'heure, qu'on ne courust à l'eau pour l'estein-dre, bien qu'assissez des forces & d'Iralie & d'Espagne qui tousiours ont gayement contri-bué à nostre embrasement. Mais qui plus est, luy feront remarquer qu'auec toutes nos victoi-res, nous sommes tousiours allez en declinans, les derniers Edicts encherissans tousiours à l'aduantage de ceux de ceste Religion, par des-sus les premiers. Et là dessus prenne enuie à sa Majesté de se faire apporter les Édicts de Ianuier 1561. & de Nantes 1598. Cestuy-là faict és Estats d'Orleans, sous Charles IX. sur les simples requestes par eux presentees, cestuy-cy sous Henry le grand son pere, confirmatif en pleine paix des precedents, qu'ils auoient obtenu des seux Rois apres tant d'efforts, & les daigne sa Majesté comparer ensemble, là où elle verra dequoy nous aurons seruy à l'aduancement de la Religion quarante ans de persecution, & autres quarante ans de troubles. Et de là pourra solidement iuger du progrez qu'elle doit at-tendre des Conseils violents. Car en cestuy-là n'estoit question que d'vn simple exercice de Religion, qui leur estoit accordé és fauxbourgs des villes en sortant des feux. Ce qu'il y a de surplus és autres confirmé par ce dernier, nous le deuons à nos animofitez, inhumanitez, desloyautez, en danger de pareil succez, si nous suyuons semblables voyes, voyes certes qu'ils concluront auoir esté agreables à Dieu, nostre zele estant apparemment si bon, puis qu'elles ont

Bij

abouti tout au contraire.

Et quelle raison, quelle caution, qu'elles puissent mieux reiissir à l'aduenir. Car quant à ceux qui pour nous rendre les choses plus plausibles pontillent sur les fautes qu'ils pretendent auoir esté faits de la poursuite des choses entreprises, tantost blasmans l'impatience de nostre nation, tantost la conniuence de quelques-vns qui y auroient esté employez, tantost les accidents qui seroient venus à la trauerse, ie leur demanderois volontiers s'ils ont trouné quelque recepte pour fixer nostre vif-arget, pour disposer de nos mœurs ou de nos humeurs à leur fantasie, pour maistriser en somme les constellations du

monde, ces accidens dont ils se plaignent.

Consultera en fin sa Majesté sur le nerf de ceste guerre, Messieurs les Sur-intendans, Tresoriers & Receueurs generaux de ses Finances, quiluy diront, qu'il se leue en ce Royaume quatrefois autant, qu'és temps des Roys François premier & Henry second, & qu'à peine en reuient-il le quart és coffres de sa Maiesté. Que sous le Roy Charles I X. le Royaume estoit opulent, le peuple à son aise, nonobstant les grandes guerres estrangeres, qui auoient exercé ces deux Roys precedens, depuis que la civile à l'instigation de quelques furies fut introduite, on n'ouyt plus parler que d'engager le Domaine du Roy, & insques aux bagues de sa Couronne, ses aydes, ses gabelles, ses tailles de creation & multiplication d'Officiers, d'adris de partis, d'Edits fiscaux, de mots & demaux nouncaux

& inoilis en ce Royaume, dont est arriué que le Roy du plus florissant Estat de la Chrestienté despouillé de ce beau Domaine, & de ces grands reuenus qui souloient entretenir en paix & en guerre ses grands predecesseurs, au moyen des charges qui les deuorent, le plus opulent Royaume de l'Europe est reduit à viure non plus du suc, mais du sang de son pauure peuple, peuple si deshalé, si descharné, que qui le rencontre par les champs à peine y peut-il recognoistre face d'homme, & à mesure que les troubles ont redoublé en redouble les charges sons que ses indications. doublé, on redouble les charges, sans que les in-terualles de paix en ayent rien rabatu, chaque annee, chaque iournee, sans aucun esgard, sans proportion, adioustant à sa misere de telle sorte, que de Laboureur qu'il estoit du sien, il ne l'est tantost plus que de l'autruy, & pour autruy, pour le bourgeois & habitant des villes: taxé neantmoins à l'esgard de ce qu'il cultiue, & cela sçauent ceux qui font leurs cheuauchees par les Eslections, qui en deussent acquitter leurs con-sciences. Que qui fait les vins & les bleds, ne boit que de l'eau, ne mange que du pain d'auoi-ne: Que qui nourrit & paist les troupeaux, ne sçait plus que c'est d'estre vestu de laine : Que le pay san pour la pluspart couche sur la paille, portes & fenestres ouvertes, en perpetuelle alarme en pleine paix, d'vn Sergent qui luy saisit insquesàla thuile, adioustez tant soit peu au faix de ce pauure peuple & il donnera du nez en terre, Ains qu'il ayt seulement à supporter trois mois vne guerre licencieuse, comme elle est, (& autre ne peut-elle estre au siecle où nous viuons) & il abandonnera mesme la terre: vne miserable consolation nous en peut reuenir, que par ce moyen la guerre s'estraglera d'elle-mesme, commenous en auons veu quelque eschantillon en ces mouuemens derniers.

Le mal est que nous cachons cela à nos Princes, ne les pourmenons volontiers que par les Palais, ne leur y monstrons que les beaux canaux, les riches grotes, & ne leur disons pas combien de pauures gés en ont croupy, & en ont pourry dans les cachots, combien de pauuretez ont contribué à celuxe, de necessité à ceste su-

perfluité.

Ne s'imaginent icy les bonnes villes d'estre exemptes de ceste misere, le Bourgeois si la feste dure n'aura point à se glorisser sur le paysan, il luy arriuera comme au cheual d'Esope, le paysan accablé sous le faix, le Bourgeois portera l'une & l'autre charge, ils verront leurs maisons de. sertes, leurs Mettairies rauagees, leurs fauxbourgs bruslez, leur commerce trauersé, toutes leurs fonctions troublees, la terre pleine de vo-leurs, la mer de Corsaires, ie laisse les exceds & violences des gens de guerre, qui ne reçoiuent ny estimation, ny amande, mais encores en demeureroient elles là ? ains elles n'orront plus parler que d'emprunts, mais à iamais rendre; de subsides, mais pour iamais n'estre esteints, d'entrees, d'issuës, de maletostes sur toutes denrees qui le consument, sur toutes estosses qui s'employent. On nous introduiratout ce que l'Italien a inventé pour affouuir sa cupidité, tout ce que le Hollandois supporte pour la necessité de sa defense, & nous n'aurons pas faute de bons esprits pour en adiouster d'autres. Paris, le doux sciour de nos Roys, l'honneur de ce Royaume, s'en ira decheant à veuë d'œil, par l'absence de son Prince, disons de son ame, le louage sans locataire, l'artisan sans employ, l'herbe se verra au Palais, en la grande Sale à dix heures on iouera aux quilles: Lors maudira-on, mais il sera trop tard, qui aura porté ses conseils à la guerre; Et cependant deuons nous auoir oublié, que par mesmes conseils sous espoir d'exterminer ceux de ceste Religion, nous fusmes engagez en la sedition, obligez à chasser nos Magistrats, nostre Roymesme, reduits en fin à deux sieges l'vn apres l'autre, au dernier iusques à manger les enfans, ains si Bernardin de Mendoze eust esté creu, les os de nos peres. Quelque friuole consolation nous viendra peut estre à la trauerse, quelque miserable enseigne pour nous attacher à la vou-Re de Nostre-Dame, on nous criera la prise de quelque villoche, qu'en vain nous cercherons en la Carre: Mais combien faut-il de tels emplastres pour couurir nostre playe.

La Noblesse certes, ie l'aduouë, pour la profession qui luy est naturelle, auroit plus de suiet de desirer la guerre: mais quelle guerre? contre le Turc pour replanter nostre Orislan dans les terres des insideles, disons mesme contre quelque voisin, qui eust pris ou retenu iniustement le nostre, eust peut-estre encores dessein

d'enuahir ce qui nous reste. Mais és briganda-ges que nous auons veus, où est le bon cœur qui puisse tant soit peu subsister, & que voyons nous aussi s'y attacher, sinon pour la pluspart gens affamez, banqueroutiers, preuenus de iustice, mal en leurs affaires, capables de tous partis, de celuy tant plus où y aura moins de iustice, plus de licence, car de se pouvoir imaginer qu'en vne guerre ciuile se puisse restablir la instice, il est du tout contre le sens commun. Tous nos vieux Capitaines y ont perdu leur temps, se sont rendus en fin à la corruption, les ieunes, la corruption eux-mesmes, qu'y pourroient-ils faire? Car ce mot ancien n'est que trop vray, vne vraye guerre ne peut subsister sans police, la police sans chastiment, le chastiment sans solde, la solde sans fonds, le fonds sans reuenus certains; Faites les tarir, & autrement ne se peut-il en la guerre ciuile, tarie aussi tost toute iustice, discipline, police; Entrent à flot toutes sortes de desbauches, de vices, d'insolences, de violences.

On nous diticy, que ce sont des dissicultez sorgees à plaisir, que le sond de ceste guerre sondee sur vn si grandzele, vn zele de Dieu, ne se peut espuiser, que ce puissant, cét opulent Clergé la desrayera, la soldoyera, se peut-il dire ou sans pleurer ou sans rire? Et est-il possible que nous prenions tant de plaisir à nous tromper? Gens qui mangent la pluspart seur bled en verd, qui restinent dix-buict mois l'annee, gens de luxe & de delices, de qui on a peine de tirer la reparation de seurs Eglises, seront mescrus de rabatre

de rabatre de leurs aises pour soudoyer vne armee, & de gayeté de cœur, & sans necessité contre personnes qui ne leur nuisent point. Certes il n'y a celuy donc qui ne voye clairement, que par ces arrhes, on nous veut engager à ce mar-ché, & cerchez apres qui le tiendra. Ils n'au-ront pas payé vn quartier, qu'ils ne s'en resi-lient, qu'ils ne nous demandent ou les cless de la Rochelle, ou la teste mesme de l'heresie, à moins ne voudroient ils auoir fait ceste despense. Il nous faudroit precipiter les exploicts, pour les contenter contre raison, contre saison, enuoyer nostre Noblesse aux assauts pour le prix de leur argent. Les affaires allans de long, & qui en doute? ils nous payeront de non-valleurs, & de Dioceses affligez en Dauphiné, Languedoc, Guyenne, Xaintonge & ailleurs, Les Eucsques de ce qu'ils auront contribué se vengeront sur les Curez, les Abbez sur les Reli vengeront sur les Curez, les Abbez sur les Religieux, les grands brochets sur les moindres; Recours en fin à vne croisade, ou on nous fera achepter à deniers comptans le soulagement, ou le saut des ames de nos peres, en danger qu'il s'esleue là dessus quelque nouveau Luther qui en descouure l'abus, en scadalize l'vsage, nous iette en quelque nouveau schisme, & lors malheur sur qui aura attaqué ceste escarmouche.

Et quant à ces affronteurs qui promettent vin fonds qui ne coustera rien à personne, renzuoyons les en vn mot par ceste maxime de Philosophie, ex nihilo nihil sit. de rien ne se fait rien en la nature. Toutes leurs inuentions ne peus

uent estre qu'aux despens ou du Roy ou du peuple; ne tondent plus, mais escorchent, mais emportent la piece, ventes de Domaines, d'aydes, de tailles, de gabelles, vn vingtiesme, vn quaranriesme, vn soixantiesme de la taille, douze sols six deniers pour minot de sel, augmentations de droicts aux Greffes, &c. Car tout cela qu'est-ce finon la substance du peuple, de laquelle au-iourd'huy il faut que le Roy viue; Et ce fonds vne fois ou espuisé ou diminué par les grandes sommes qu'à grands & enormes interests on emprunte, là dessus que s'ensuit-il, sinon que nous soyous contraincts de faire vn nouneau Domaine au Roy pour fournir, soit aux ornemens de sa personne, soit aux charges de son Estat, & ou le prendre sinon là où il y en aura, le peuple ruiné, dans le Clergé, dans la Noblesse; Et quand-bien il sera directement imposé sur le tiers Estat, sommes nous si hebetez que de n'auoir comprins en tant d'annees, que la saignes se fait en son bras, mais que tous les membres y contribuent, tous les Ordres du Royaume en sa personne, & sous son nom sont imposez, sont en effect taillables. Ainsi nous veulent ces bons esprits traitter en jeunes gens, à qui on faict trouuer argent pour leurs plaisirs à perte de Finance, & leur fait-on croire qu'ils en sont bien obligez; Mais au bout du terme il faut payer & le credit & la marchandise estimee au double, & le mal est, que le Moulin ou la Mettairie y demeure.

Icy on nous vient à la trauerse, Vous ne par-

lez que de moyens naturels, ne mettez vous donc point en compte les miracles qui accompagnent ceste guerre saincte, car que deuons nousattendre moins que l'espee de saincte Catherine du Fierbois, baudriers tombans du ciel, lances, fleuries, sur tout puis que les Iesuites s'en messent, qui en ont fait de si estranges aux Indes, qui apres les portes ouvertes à Navarrins, ne nous promettent pas moins que de fendre le Iordain sous leurs pieds, faire fondre les murs de Ierico au son de leurs trompettes? Certes de ce qu'ils ont fait aux Indes, ie m'en rapporte, me suffit de sçauoir qu'ils n'ont peu empescher que les Hollandois n'y regnent, & en leurs Moluc-ques mesmes. Mais pour demeurer en nostre Europe, ie n'ay recognu autre miracle d'eux, sinon que par leurs conseils & monopoles ils ont faict perdre au Roy de Poulongne la Couronne de Suede, mis en grand hazard à Ferdinand tous les Estats & anciens patrimoines de la mai-son d'Austriche, troublé nostre France sous Henry I-I I. De sorte qu'elle en vint sur le bord du naufrage, garentie par la seule vertu du Roy Henry le Grand, & encor en doit-on quelque gréà ceux qui luy assisterent, suscité par leur doctrine contre sa vie des Barrieres, des Chastels, des Rauaillacs, tant en fin, helas! qu'elle y est demeuree, & encores n'en peut on estouffer la semence. Que Dieu pardonne à la sapience de seu Monsieur le President de Harlay, qui ne voulut pas percer ce rare don d'oubliance du Pere Aubigny, tant nous auons peur d'en sça-Cij

uoir trop; Sages Venitiens, qui auez sceu sans tant d'experience, vous dessaire pour iamais de ceste engeance. Et ce prudent Paul V. quantessois a-il dit, ces gens par seur violence ruyneront l'Eglise; Car quant au Roy d'Espagne, ce qu'il en fait ne rabatrien de sa prudence, ces bons Peres suy sont autant de viperes priuees, qui ne mordent que là

où il luy plaist.

Mais laissons là dites-vous ces miracles, vous nous exagerez les difficultez, & nous taisez les facilitez, car y eut-il iamais si beau ieu? Ils n'ont plus de Prince du sang pour chef & protecteur, qui leue les ialousies entre leurs grands, qui les rallie: Ains estimes-tu donc du seruice du Roy de les reduire à en gercher? Et leur veux tu mal de ce qu'ils n'en veulent autre que le Roy? Et si tu les portes à l'extremité doutes tu qu'ils n'en trouuent & dans toy mesme? Ils sont diuisez, dis-tu, il y a paru, en ce qu'ils ont pris en ces mouvements divers partis; mais certes en faict d'Estat & non de Religion; Tant y a qu'ils n'ont entr'eux ne procez ne querelles, en faict d'Estat chacun peut auoir son sentiment, mais où il y va de la Religion, du peril commun, tu les verras tous en vn moment, courir à mesme enseigne. Et si tu penses donc que leur divisson & mes-intelligence nous soit vtile, pour quoy ne la laisses-tu courir? Pourquoy les rappelle-tu à concorde, & par arguments si concluans, si necessaires? Quandils seront tous ensemble, dirastu, ils ne sont qu'yne poignee de gens: Nous en içauons le nombre, les conditions, les qualitez;

Mais tu ne t'aduise pas d'vn erreur de calculs combien de milliers ils en ont entre nous, qui se rangeront auec eux (& te souvienne icy des exemples passez) qui attacheront leurs mesconten-temens, leurs interests ciuils ou inciuils aux necessitez, aux instes douleurs de ceux que tu veux ruyner, & mets la main sur la conscience; Ausquels pour le bien de l'Estat aymerois-tumieux auoir affaire; En fin il n'y a plus d'Elizabeth, de Cazimir pour leur fournir vne armee Estrangere, l'Allemagne est occupee en ellemes-me, le Roy de la grande Bretagne bien empesché à secourir son gendre, premier qu'ils y puissent arriver s'en seroit fait: Et donc si tu trouves tant d'aduantages en ceste guerre-là, pourquoy le Roy est-il conseillé de courir au feu pour l'esteindre, d'y enuoyer vn Duc d'Angoulesme pour y porter de l'eau; Penses-tu qu'on luy face iouer vne farce sur vn tel Theatre, ou si c'est à bon escient, comme de faict il est, vois-tu pas que son sage conseil en juge tout autrement que toy, trop bien inspiré, pour procurer la paix au loin, se reserue chez soy la guerre en partage; Adioustons qu'és troubles surnom-mez de la Ligue sous Henry III. és annecs 86. 87. nous auions des estrangers, & eux non, leur iettasmes tout à la sois six armees sur les bras en diuerses Prouinces, qui n'auoyent point faute de bons chefs, les Ducs de Guyse, de Mayenne, de Ioyeuse, d'Espernon, Maresch aux de Biron, de la Chastre, &c. & ne laisserent iceux toutesfois de nous gagner la bataille de Coutras, apres mesme que leur armee estrangere sut desfaite de nous venir prendre tout le Poictou, de nous saire peur iusques à Tours, dont s'ensuiuit la bien heureuse tresue.

Icy recours à l'accoustumee aux accidents: Que tous ieux ne se rencontrent pas, à quelque cornue cassee à la façon des Alchimistes, & se sans cela ils estoient à bout de leur Magistere: Mais apres auoir soussilé tant d'annees en vain, & que ne sust-ce qu'en vain, apres tant de pertes, de dommages, ains tant de sang respandu, qui duisoit bien ailleurs, qui se siera plus en leurs

promesses?

Cerres il est donc tout clair que le but de ces gens qui rendent les choses si faciles, n'est autre que d'engager vne fois le Roy, peu soucieux quelle en sera l'issuë pour la Religion, pourueu que nostre Estat se consume en troubles, & ce pendant ne doutons point que sa Maiesté ne soit la premiere à s'en rebuter, à reprocher ce conseilaux autheurs, & lors on s'entre-regardera, nul n'en aura esté d'aduis, chacun du contraire, quandil verra le feu en la maison de son voisin, de quelque costé qu'il se tourne, tous ses deniers gourmandez en ses receptes, soit generales que particulieres, sans que rien vienne en son Espargne, autant de Roys que de Prozinces, que de Bailliages, qui s'affriandiront tant dans l'authorité par la force qu'ils auront acqui-se de nostre soiblesse, qu'il n'y aura plus moyen de les en saire demodre, quelque nouvelle quelquesfois luy sera apportee auec grand applau-

dissement d'vne bicoque prise, d'vne cornette dessaite: mais saupondree le plus souvent de la perte de quelque serviteur vtile, de quelque coup fourré, qui luy en fera perdre le goust, & en tout cas que luy seront mesmes ses triomphes, que sunerailles? Quand il verra, qui pis est, le plus dangereux voisin de son Estat faire prost de nos calamitez, gagner cependant pays dans la Chrestienté, suborner ou supplanter ses alliez, nous blocquer, nous cerner de toutes parts, en attendant que bresche raisonnable luy soit ouverte, que ses pratiques soyent prestes à iouer, car qui ne suit icy comme à la trace le vœu & se conseil du Cardinal Bellarmin pour la Monarchie Vniuerselle, & quel plus court chemin pour y paruenir que l'affoiblissement de nostre Roy, la disposition de l'Estat, qui seul au iugement d'vn chacun luy fait obstacle, alors parlerons-nous de remparer contre son inuafion, mais la ruyne sera desia soubs nos pieds, desia sera terminee la messee : Ceux qui temerairement auront accroché nos nauires, ne s'en pourront plus desdire, s'en aduiseront trop tard, lors qu'il ne restera plus moyen que de s'entrebrusser, miserable resource, le victorieux auec le vaincu, l'vn par le desespoir de l'autre se dis, desespoir, par ce que ceux de ceste Reli-gion ayans souffert le seu par quarante ans, & toute la rigueur du ser par autre quarante, & depuis rendu au fen Roy toutes preuues de si-delité en la recousse & de sa personne & de sa Couronne, mesmes depuis s'estre faict Catholique: vescu aussi auec nous & nous auec eux assez pour nous entre-cognoistre, pour nous appriuoiser les vns auec les autres, & s'ils se voyent apres tant de souffrances & de labeurs, n'auoir peu affermir la liberté de leurs consciences, & la seureté de leurs vies, estre au contraire rappelez à leurs principes, ramenez sous la persecutió par l'infraction de si solemnels Edicts, ne pourront plus esperer repos par aucuns traittez, seront partant capables de tous conseils, & chacun sçait combien sont dangereux ceux ausquels la necessité preside, iustifiez par ce dire commun, que qui se noye se prend à vn ser chaud.

Ce sont direz vous inconueniens, mais qui ne soluent pas l'argument, car faudra-il donc qu'à iamais nous supportions ceste Religion, & en quelle conscience? Certes si tu auois donc le grand Seigneur, tu nous ferois vn terrible rauage, tu nous voudrois donc qu'il exterminast toutes ces Eglises Chrestiennes de son Empire, en la Romanie, en la Natolie, en l'Afrique, qui montent plus que les nostres, voudrois-tu qu'il razast le sainct Sepulchre, crucifiast les Calogeres nos Moynes de l'Ordre S. Basile, dont est peuplé le mont Athos, combien plus sage, plus humain, plus charitable, qui les laisse viure, leur donne mesme pension annuelle, à ce qu'ils prient pour la prosperite de son Empire: Mais si tu és retenu de quelque scrupule, qui te le peut mieux soudre que le Pape, le Pape qui donne loy à ta conscience, qui neantmoins sous

lous vn certain tribut permet les synagogues aux Iuifs, & publiques & priuces dans Romes. mesmes aux Iuifs qui font mestier de blasphemer la foy de Iesus, de blasonner le nom de sa glorieuse mere, au lieu que ceux dont est question, croyent vn mesme Dieu, n'esperent salut qu'en Ielus-Christ, adorent vne mesme Trinité, honorent la saincte Vierge, reglent leur foy par mesmes escritures, reclament vn mesme esprit, aspirent en mesme heritage. Et combien seroit-il plus seant à ceux de nostre Clergé de resider en leurs charges, de prescher par paroles & par exemples, de reformer eux mesmes les abus qui sont entre nous, car qui les peut nier? Certes prescher en halecret & guerroyer en surplis, sont choses esgalement ineptes & ridicules, & chacun faisair sa vocation se peut promettre la benediction de Dieu; craindre sa malediction au contraire. Adioustez les aduantages que nous auons de nostre part, au regard des aduersaires, les faueurs, les authoritez, les graces qui dependent du Roy, les Magistrats Superieurs, inferieurs, qui nous tiennent la main, les biens, les honneurs, les dignitez, les renerations qui nous relevent en nos person-les relevent nos actes auec cela, pour ueu que l'ailleurs le fonds y soit, que ne deuon's nous jounoir que ne deuons nous faire : Que si ron retendu zele laisse encores quelque place à la rudence, d'où peux-tu mieux en prendre loy lue de ces grands Empereurs de la maison d'Aus riche gui ont finy leurs guerres de Religion

par vne paix, vne paix qui la laissoit libre à tous leurs subiects, car de quel droit nous voudrastu imposer ce ioug, que nous soyons ou plus Catholiques qu'eux, à qui il est sossible de les supporter, ou s'il faut ainsi parler plus Papistes que le Pape mesme, à qui c'est saincteté de maintenir les Iuis, le Pape certes qui n'est point si transporté de ioye d'auoir veu ceux de ceste Religion chassez de la Valtoline, bien que sous son estendart par les armes d'Espagne, que l'apprehensionn'encherisse par dessus, que ce progrez ne vienne à la diminution de son authorité, dont est qu'il requiert nostre Roy de s'employer vers le Roy Catholique à ce qu'il remette les choses au premier estat, & de mesme tous les Princes d'Italie, le Pape aussi qui n'est point à son aile de ces tentatiues n'agueres faites par les Turcs au Royaume de Naples par diuerses descentes, esquelles ils ont donné des indices d'y vouloir prendre pied ferme, qui n'ignore point que delà auec peu de contradiction, ils penuent enfiler leur chemin insques aux portes de Rome, en danger que ces Propheties qui nous sont tant reprochees, se vissent accomplies en nos iours. Donc quauons nous à attendre sinon que ce Printemps, il nous presche la paix entre les Catholiques, la trefue aux heretiques, membres pourris, nous aura-il dit tant de fois, membres à reietrer & retrancher, mais ores supportables, ores necessaires, ores salutaires à la Chrestienté, lors qu'il va du sien, & pourquoy non dés maintenant qu'il yiva du nostre.

Mais deboutez qu'ils sont du zele de l'Eglise, ils rentrent par l'interest de l'Estat, & non sans colere, car de quelle patience, disent-ils, souffrir ces atteintes qui se donnent à l'autorité du Roy, ces assemblees sans breuet de permission, mesmes contre sa defense. A quoy ie ne diray pas co qu'ils nous sçauent respondre, qu'il leur auoit esté promis en se separant de Loudun, qu'en cas d'inexecution des choses promises dans les six mois, il leur seroit procuré vn breuet auec effet pour se rassembler, & se pouruoir vers sa Maiesté par remonstrances. Mais ie vien au fonds, Prenons garde que ce que nous leur imputons à entreprise ne leur vienne plustost d'apprehension, ce que nous interpretons à peu de respect, à trop de crainte. Car d'où vient donc que du temps du feu Roy ces Assemblees se faisoient si paisiblement, se separoyent si facilement, que si vtilement il s'en sçauoit seruir pour maintenir le repos, & qu'auiourd'huy elles soyent reputees pour instrument de troubles, cerces la raison de la différence n'est difficile à treuver, le feu Roy qui auoit esprouué leur fidelité par tant d'annees, en tant de perils & de l'Estat & siens, les cognoissoit iusques aux entrailles, se consioit en eux, se servoit indisferemment d'eux, & vne confiance engendre l'autre, sur tout estoit tres-resolu de couper la racine à tous troubles. pour la Religion, eux tres persuadez, qu'il n'abhorroitrien plus que de voir ou violer ou chicaner ses Edicts, & de fait il auoit fait choix en-

) ij

tre les seigneurs de son Conseil, de ceux qu'il recognoissoit plus equanimes pour juger les diffi-cultez qui en resultoient, y admettoit mesmes quelques vns de leur profession, pour estre tesmoins de l'equité, qu'il vouloit estre obsoruec en l'interpretation, en l'inexecution, aussi de sa bonne & prompte iustice, Nous au contraire, qu'auons nous faict depuis que Dieu le nous a raui, sinon declaré à ces gens en nos actions plus solemnelles, que nous leur gardions animum redeundi, vne resolution de troubler leur condition, de retourner à la persecution, quand l'occasion y escherroit, Quandés Estats Generaux du Royaume, esquels nous deussions auoir en pour but de consolider la Paix, nous auons presté la publication & execution du Concile de Trente, sans vouloir aucunement admettre l'exception des Edicts faits en leur faueur, auons qui pis est fait si grande instance au Roy d'accomplir le serment fait à son Sacre, concernant l'extirpation des Heretiques, auéc pareil refus de la limitation qu'ils y demandoient, car quel autre fens y peut on donner, sinon que nous visions par la directement à leur extermination & ruine à laquelle on pretendit dessors d'obliger les trois Estats du Royaume. Quand en plein Parlement, lors qu'il estoit question de la reception des Officiers de leur profession en si graue compagnie, tant de voix sanglantes se sont eschappees sur ce subject, tesmoins irreprochables du mal que plusieurs d'entre-nous leur couvoyent on leurs cœurs: Afin que ie ne die rien de ce dermier exploict de Bearn, auquel chastiant sa Majesté l'obstination des Bearnois, l'animosité de quelques-vns a poussé le razoir si auant contre le bon naturel du Roy, qui peu de iours auparauant auoit magnisé sa clémence en tant de sortes, qu'il a esté aisé de distinguer ce qui estoit du sien ou de l'autruy, veu les raisonnables conditions que parauant sa Mâjesté seur auoit accordees, & de là ses vacarmes de nos prescheurs, qui ne parloient pas moins que d'en faire au premier iour comme en Espagne des Morisques. Apres cela qui trouue estrange que quelques vns se cabrent, qu'il faille du temps pour les ramener, leur remettre la bouche, leur rasseurer la teste.

A ces maux direz-vous, quels remedes? Certes en la seule bonté & iustice du Roy, ils se trouueront & suffisans & prompts. Il est du de-uoir que ces gens ployent sous l'authorité de ses volontez. Mais voyons aussi s'il n'est point de son service de ne la roidir pas iusques au bout. Il plaist à Dieu duquelil est icy l'image de condescendre quelquessois à nos impersection, à nos infirmitez. Qu'ils soyent veus vne sois d'vn bon œil du Roy, qu'ils ressentent qu'il se sie en eux, toutes murailles luy seront ouvertes, non que les portes, vne ferme resolution de ne prester iamais l'aureille aux conseils qui luy pourroyent estre donnez contre leur liberté, leur seureté, que le seu Roy tenoit pour sacrees, & inuiolables, vn commandement serieux à tous ses Officiers, superieurs & inferieurs de se rendre sinceres in-

terpretes, diligens executeurs de ses Edicts, car nous sçauons assez tous, qu'ils ne demandent ny partage ny appanage en ce Boyaume, ne veulent auoit que leurs ames port butin, plus interessez en la manutention de l'authorités de sa M. qu'aucuns de les labtets, card vray dire, qui les fait suporter en la pluspart de nos villes sinon icelle seule? Que pleust'à Dieu peussions nous dire le mesme de tous autres, lors seroit de faict S. M. reclamé pere commun de tous ses subiets, reueré de ses bons alliez, & redouté de ses enuieux, digne Arbitre & Medecin recogneu par tous des maux de la Chrestienté, qui en l'Estat qu'il a pleu à Dieu luy commettre essimé le plus malade del'Europe, sit donné vn tel eschantillonde sa sagesse, fair vue si excellente & miraculeuse cure. Que Dieu par sa grace me la doine voir, Que de bon cœur ie diray alors mon Nune dimittis, pour passet de ceste vie à vne meilleure, autrement celle-cy no me peut chre que tres, amere.



